



Broj: 01-50-1-15-5/15  
Sarajevo, 29.1.2015.

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	04.03.15		
Organi za koje je poslano	Redovna sjednica	Redni broj	Broj priloga

**ZAPISNIK**  
**5. sjednice Predstavničkog doma**  
**Parlamentarne skupštine Bosne i Hercegovine,**  
**održane 29. 1. 2015. godine**

Sjednica je počela u 10,10 sati. Prisustvovalo je 39 poslanika.<sup>1</sup>

Odsustvo su opravdali poslanici: Halid Genjaci, Nenad Lalić i Sadik Ahmetović.

Sjednici su prisustvovali predsjedavajući i članovi Vijeća ministara BiH.

Sjednici su prisustvovali predsjednik Visokog sudskog i tužilačkog vijeća BiH Milan Tegeltija i zamjenik generalnog revizora BiH Dževad Nekić.

Iz međunarodnih organizacija sjednicu su pratili predstavnici OHR-a, USAID-a i EUSR-a, a iz nevladinih organizacija prisustvovao je predstavnik CCI-ja.

Predsjedavajući Doma Šefik Džaferović upoznao je Dom sa izmjenama i dopunama dnevnog reda 5. sjednice Doma.

S ranije utvrđenog dnevnog reda skinute su:

- **Tačka 5.** - Prijedlog zakona o izmjenama Zakona o plaćama i naknadama u institucijama Bosne i Hercegovine, predlagач: poslanik Mirsad Donlagić, zakon broj: 01,02-02-1-1/15, od 8.1.2015. (prvo čitanje), na zahtjev nadležne Komisije za finansije i budžet koja je tražila produženje roka za dostavu mišljenja o Prijedlogu zakona. Komisija je usvojila sljedeći zaključak: „Komisija za finansije i budžet Predstavničkog doma PSBiH odgađa izjašnjavanje o Prijedlogu zakona o izmjeni Zakona o plaćama i naknadama u institucijama Bosne i Hercegovine i traži od Vijeća ministara BiH da u roku od 10 dana Komisiji dostavi mišljenje o Prijedlogu zakona.“ Kolegij je odobrio produženje roka za dostavu Izvještaja za 10 dana. Predsjedavajući je rekao da je Kolegij Doma zauzeo stav da, u skladu s odredbama Poslovnika, komisije Doma nemaju ovlaštenje da svojim zaključcima zadužuju Vijeće ministara BiH i druge institucije. To ovlaštenje ima samo Predstavnički dom i Kolegij Doma.

Sljedeće tačke skinute su na zahtjev Komisije za vanjske poslove:

- **Tačka 10.** - Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Francuske koji se odnosi na mobilnost mladih, broj: 01,02-05-2-1065/14, od 26. 9. 2014.;

<sup>1</sup> Sjednicu su nakon rasprave o dnevnom redu napustili poslanici iz Kluba SNSD-a.

- **Tačka 11.** - Davanje saglasnosti za ratifikaciju Sporazuma između Bosne i Hercegovine i Evropske unije o učešću Bosne i Hercegovine u programu Unije Horizont 2020 – *Okvirni program za istraživanje i inovacije (2014-2020)*, broj: 01,02-05-2-1113/14, od 13.10. 2014.;
- **Tačka 12.** - Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Makedonije o razmjeni i obostranoj zaštiti tajnih podataka, broj: 01,02-05-2-1122/14, od 16.10. 2014.;
- **Tačka 13.** - Davanje saglasnosti za ratifikaciju Sporazuma između Vijeća ministara Bosne i Hercegovine i Vijeća ministara Republike Albanije o uzajamnoj zaštiti tajnih podataka, broj: 01,02-05-2-1167/14, od 30. 10. 2014.;
- **Tačka 14.** - Davanje saglasnosti za ratifikaciju Sporazuma između Evropske unije i Bosne i Hercegovine o učešću Bosne i Hercegovine u programu Unije za kulturu i kreativne sektore „Kreativna Evropa“, broj: 01,02-05-2-1248/14, od 27.11.2014.;
- **Tačka 16.** - Davanje saglasnosti za ratifikaciju Sporazuma o grantu (Drugi projekat upravljanja čvrstim otpadom: Neum, Bosanska Krupa, Srebrenik i Sarajevo) između Bosne i Hercegovine i Međunarodne banke za obnovu i razvoj u ulozi administratora Evropske komisije za Trust fond pretpristupnog instrumenta Evropske unije, broj: 01,02-05-2-41/15, od 5. 1. 2015.;
- **Tačka 23.** - Davanje saglasnosti za ratifikaciju Ugovora o saradnji između Bosne i Hercegovine i Crne Gore o konzularnoj zaštiti i viznim pitanjima, broj: 01,02-05-2-1308/14, od 9.12.2014.;
- **Tačka 26.** - Davanje saglasnosti za ratifikaciju Protokola između Vijeća ministara Bosne i Hercegovine i Vlade Republike Francuske o provođenju Sporazuma između Evropske zajednice i Bosne i Hercegovine o readmisiji lica koja borave bez dozvole, broj: 01,02-05-2-1061/14, od 26. 9. 2014.;
- **Tačka 27.** - Davanje saglasnosti za ratifikaciju Protokola o izmjenama i dopunama Memoranduma o razumijevanju o saradnji u borbi protiv korupcije kroz antikorupcijsku inicijativu u Jugoistočnoj Evropi, broj: 01,02-05-2-1310/14, od 9.12.2014.;
- **Tačka 28.** - Davanje saglasnosti za ratifikaciju Protokola između Vijeća ministara Bosne i Hercegovine i Vlade Republike Slovenije o saradnji u oblasti obrazovanja, broj: 01,02-05-2-1407/14, od 19.12.2014.;
- **Tačka 29.** - Davanje saglasnosti za ratifikaciju Dodatnog protokola uz Konvenciju Vijeća Evrope o zaštiti ljudskih prava i dostojanstva ljudskog bića u pogledu primjene biologije i medicine o zabrani kloniranja ljudskog bića, broj: 01,02-05-2-1223/14, od 19.11.2014.;
- **Tačka 30.** - Davanje saglasnosti za ratifikaciju Memoranduma o razumijevanju između Bosne i Hercegovine i Vlade Republike Čile o saradnji po pitanjima odbrane, broj: 01,02-05-2-1064/14, od 26. 9. 2014. i
- **Tačka 31.** - Davanje saglasnosti za ratifikaciju Memoranduma o razumijevanju o institucionalnom okviru Inicijative za prevenciju i spremnost u slučaju katastrofa za Jugoistočnu Evropu (2013), broj: 01,02-05-2-1115/14, od 14.10.2014.

Predsjedavajući je podsjetio da je Komisija za vanjske poslove, u skladu sa zaključkom Kolegija, zakazala dvije sjednice da bi razmotrila sve materijale koji su u proceduri iz njene nadležnosti. Međutim, jedna od sjednica Komisije nije održana zbog nedostatka kvoruma. Predsjedavajući je rekao da će ubuduće, s ciljem efikasnijeg rada Doma, Kolegij tražiti odgovornost onih članova komisije koji nisu prisustvovali sjednici.

Dnevni red dopunjen je sljedećim tačkama:

- **Tačka 3.** - Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou BiH, predlagač: Vijeće ministara BiH, zakon broj: 01,02-02-1-31/14, od 22.7.2014. (zakon u drugom čitanju) i
- **Tačka 4.** - Izvještaj komisije Kolegija o nastojanju za postizanje saglasnosti o prijedlogu zaključaka poslanika Saše Magazinovića povodom rasprave o Prijedlogu rezolucije o Sutorini, predlagač: poslanik Denis Bećirović, broj: 01-02-2-1440/14, od 24.12.2014., koji glase:

*„Polazeći od principa da tuđe nećemo, a svoje ne damo, u skladu sa Ustavom BiH i međunarodnim pravom, imajući za primarni cilj očuvanje suvereniteta, teritorijalnog integriteta i cjelovitosti naše zemlje, Predstavnički dom PSBiH konstatira:*

1. *Izvještaj Badinterove komisije je neupitan dio međunarodnog prava sa snagom međunarodne presude, te kao jedan od temelja Dejtonskog mirovnog sporazuma ima pravo prvenstva nad drugim aktima te vrste, čime se garantira neupitnost teritorijalnog integriteta i cjelovitosti BiH u njenim međunarodno priznatim granicama;*
2. *Zadužuje se novo Vijeće ministara BiH da, zajedno s Državnom komisijom za granice, napravi tri sveobuhvatne, primarno pravne, ekspertne analize, s posljedicama po interese BiH, sa stanovišta očuvanja njenih međunarodno priznatih granica sa Crnom Gorom, Srbijom i Hrvatskom. Na tim osnovama Predstavnički dom organizirat će javnu raspravu s ciljem potpisivanja sporazuma o državnim granicama sa susjedima.“*

U okviru rasprave o dnevnom redu Staša Košarac je, u ime poslanika iz Kluba SNSD-a, predložio dopunu dnevnog reda tačkom koja glasi: „Odluka o razrješenju poslanika Šefika Džaferovića s dužnosti predsjedavajućeg Predstavničkog doma Parlamentarne skupštine BiH – člana Kolegija Predstavničkog doma“.

Prijedlog za dopunu dnevnog reda nije usvojen – sedam glasova „za“ (iz Republike Srpske), 29 glasova „protiv“ i dva glasa „suzdržan“.

Nakon glasanja Staša Košarac, predsjedavajući Kluba poslanika SNSD-a, rekao je da će poslanici iz ovog kluba napustiti sjednicu.

Predsjedavajući je konstatirao da 5. sjednica Predstavničkog doma ima sljedeći

## DNEVNI RED

1. Usvajanje zapisnika 3. i 4. sjednice Predstavničkog doma Parlamentarne skupštine BiH;
2. Komentar na dobivene odgovore na poslanička pitanja;
3. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou BiH, predlagač: Vijeće ministara BiH, zakon broj: 01,02-02-1-31/14, od 22.7.2014. (zakon u drugom čitanju);
4. Izvještaj komisije Kolegija o nastojanju za postizanje saglasnosti o prijedlogu zaključaka poslanika Saše Magazinovića povodom rasprave o Prijedlogu rezolucije o

Sutorini, predlagač: poslanik Denis Bećirović, broj: 01-02-2-1440/14, od 24.12.2014., koji glase:

*„Polazeći od principa da tuđe nećemo, a svoje ne damo, u skladu sa Ustavom BiH i međunarodnim pravom, imajući za primarni cilj očuvanje suvereniteta, teritorijalnog integriteta i cjelovitosti naše zemlje, Predstavnički dom PSBiH konstatira:*

- 3. Izvještaj Badinterove komisije je neupitan dio međunarodnog prava sa snagom međunarodne presude, te kao jedan od temelja Dejtonskog mirovnog sporazuma ima pravo prvenstva nad drugim aktima te vrste, čime se garantira neupitnost teritorijalnog integriteta i cjelovitosti BiH u njenim međunarodno priznatim granicama.*
- 4. Zadužuje se novo Vijeće ministara BiH da, zajedno s Državnom komisijom za granice, napravi tri sveobuhvatne, primarno pravne, ekspertne analize, s posljedicama po interese BiH, sa stanovišta očuvanja njenih međunarodno priznatih granica sa Crnom Gorom, Srbijom i Hrvatskom. Na tim osnovama Predstavnički dom organizirat će javnu raspravu s ciljem potpisivanja sporazuma o državnim granicama sa susjedima.“*
5. Izvještaj o izvršenju Budžeta institucija BiH i međunarodnih obaveza BiH za 2013. godinu, materijal Predsjedništva BiH, broj: 01,02-16-1-796/14, od 11.7.2014.;
6. Izvještaj o finansijskoj reviziji Izvještaja o izvršenju Budžeta institucija Bosne i Hercegovine za 2013. godinu, materijal Ureda za reviziju institucija BiH, broj: 01-16-1-1054/14, od 24.9.2014.;
7. Godišnji izvještaj Visokog sudskog i tužilačkog vijeća BiH za 2013. godinu, broj: 01,01/1,02,02/1-08-1053/14, od 24.9.2014.;
8. Davanje saglasnosti za ratifikaciju Sporazuma o osnivanju Centra za razvoj finansija (CEF), broj: 01,02-05-2-1165/14, od 30.10.2014.;
9. Davanje saglasnosti za ratifikaciju Sporazuma o ekonomskoj saradnji između Vijeća ministara Bosne i Hercegovine i Vlade Republike Bugarske, broj: 01,02-05-2-1006/14, od 11.09.2014.;
10. Davanje saglasnosti za ratifikaciju Sporazuma o zajmu i projektu između KfW, Frankfurt na Majni (KfW), i Bosne i Hercegovine, koju zastupa Ministarstvo finansija i trezora BiH (zajmoprimac), i Federacije Bosne i Hercegovine, koju zastupa Federalno ministarstvo finansija i JP Elektroprivreda Hrvatske zajednice Herceg Bosne d.d. Mostar (EPHZHB) (agencija za izvršenje projekta) u iznosu od 100.000.000,00 eura – *Pumpna hidroelektrana Vrilo*, broj: 01,02-05-2-1009/14, od 12.9.2014.;
11. Davanje saglasnosti za ratifikaciju Finansijskog sporazuma od 6.10.2014. i Amandman broj 5 na Sporazum o finansiranju od 27.2.2006. između KfW, Frankfurt na Majni (KfW), i Bosne i Hercegovine, koju zastupa Vijeće ministara Bosne i Hercegovine (primatelj), u iznosu od 5.000.000 eura – *Kreditni program za otklanjanje posljedica od poplava (FRCP) posredstvom Evropskog fonda za Bosnu i Hercegovinu (EFBiH)*, broj: 01,02-05-2-1311/14, od 9.12.2014.;
12. Davanje saglasnosti za ratifikaciju Dopune broj 2 Sporazuma o finansiranju koji se odnosi na državni program za Bosnu i Hercegovinu u okviru IPA komponente - pomoć u tranziciji i izgradnja institucija za 2012. godinu između Bosne i Hercegovine i Evropske unije, koju predstavlja Evropska komisija, broj: 01,02-05-2-1180/14, od 6.11.2014.;
13. Davanje saglasnosti za ratifikaciju Dopune broj 2 Finansijskog sporazuma koji se odnosi na državni program za Bosnu i Hercegovinu u okviru IPA komponente - pomoć u tranziciji i izgradnja institucija za 2011. godinu između Bosne i Hercegovine i Evropske unije, koju predstavlja Evropska komisija, broj: 01,02-05-2-1182/14, od 6.11.2014.;

14. Davanje saglasnosti za ratifikaciju Dopune broj 2 Sporazuma o finansiranju između Bosne i Hercegovine i Komisije evropskih zajednica u vezi s horizontalnim programom o nuklearnoj sigurnosti i zaštiti od zračenja u okviru Instrumenta pretprijetupne pomoći u 2008. godini, broj: 01,02-05-2-1313/14, od 9.12.2014.;
15. Davanje saglasnosti za ratifikaciju Izmjene Sporazuma o grantu EG IPA dio I (Projekat otpadnih voda Sarajevo) između Bosne i Hercegovine i Međunarodne banke za obnovu i razvoj u ulozi administratora Evropske komisije za Trust fond za pretprijetupni instrument Evropske unije, broj: 01,02-05-2-1314/14, od 9.12.2014.;
16. Davanje saglasnosti za ratifikaciju Drugog amandmana na Sporazum o zajmu i projektu od 23.2.2010. i na Amandman na Sporazum o zajmu i projektu od 15.12.2011. u iznosu od 71.000.000,00 eura između KfW-a, Frankfurt na Majni (KfW), i Bosne i Hercegovine, koju zastupa Ministarstvo finansija i trezora BiH (zajmoprimac), i Federacije Bosne i Hercegovine, koju zastupa Federalno ministarstvo finansija, i JP „Elektroprivreda Hrvatske zajednice Herceg Bosne“ d.d. Mostar (EPHZHB) (agencija za izvršenje projekta) – *Vjetroelektrana Mesihovina*, broj: 01,02-05-2-1023/14, od 18.9.2014.;
17. Davanje saglasnosti za ratifikaciju Amandmana na Okvirni finansijski sporazum od 30. 6. 2010. između Razvojne banke Vijeća Evrope (CEB) i Bosne i Hercegovine, za finansiranje izgradnje državnog zatvora, broj: 01,02-05-2-1312/14, od 9.12.2014.;
18. Davanje saglasnosti za ratifikaciju Ugovora o saglasnosti za uvećanje zajma i prihvatanju uvećanja obaveza po Ugovoru o garanciji (put Banja Luka – Doboj – Faza I) između Bosne i Hercegovine i Evropske banke za obnovu i razvoj, broj: 01,02-05-2-1309/14, od 9.12.2014.;
19. Davanje saglasnosti za ratifikaciju Ugovora o finansiranju između Bosne i Hercegovine i Evropske investicione banke – *Koridor 5c, Počitelj – Bijča*, broj: 01,02-05-2-1337/14, od 11.12.2014.

\*\*\*\*\*

Nakon što je predsjedavajući pročitao dnevni red sjednice, Denis Bećirović zatražio je poslovničku intervenciju pozivanjem na član 7. Poslovnika, kojim su regulirana prava i dužnosti poslanika, među kojima je pravo i dužnost poslanika da prisustvuje sjednicama Doma i sjednicama komisija.

Predsjedavajući je rekao da će Kolegij Doma na narednoj sjednici raspraviti ovo pitanje i zauzeti stav o tome.

Zatim se pristupilo realiziranju dnevnog reda.

#### **Ad. 1. Usvajanje zapisnika 3. i 4. sjednice Predstavničkog doma Parlamentarne skupštine BiH**

Predsjedavajući je rekao da su poslanicima dostavljeni zapisnici.

Nije bilo primjedbi na zapisnike.

Zapisnici 3. i 4. sjednice usvojeni su jednoglasno, s 25 glasova "za" (iz Federacije BiH 20, iz Republike Srpske pet).

## **Ad. 2. Komentari na dobivene odgovore na poslanička pitanja**

Predsjedavajući je rekao da su, u skladu s članom 174. Poslovnika, do ove sjednice Doma, pitanja u pisanoj formi postavili poslanici:

- **Denis Bećirović** – Vijeću ministara BiH, Ministarstvu civilnih poslova BiH, Ministarstvu za ljudska prava i izbjeglice BiH, Ministarstvu pravde BiH, Ministarstvu vanjske trgovine i ekonomskih odnosa BiH, Ministarstvu rada i socijalne politike Federacije BiH i Ministarstvu rada i boračko-invalidske zaštite Republike Srpske i
- **Jasmin Emrić** – Elektroprijenosu BiH.

Sadržaj pitanja predatih u pisanoj formi je sljedeći:

### **Denis Bećirović**

1. Pitanje upućeno Ministarstvu civilnih poslova BiH: „Šta ste konkretno učinili i šta planirate učiniti na donošenju propisa, programa i projekata kojim bi bilo predviđeno subvencioniranje doprinosa i smanjenje uplate doprinosa novonastalim firmama, a s ciljem podsticanja zapošljavanja i otvaranja novih radnih mjesta?“
2. Pitanje upućeno Ministarstvu rada i socijalne politike Federacije BiH: „Šta ste konkretno učinili i šta planirate učiniti na donošenju propisa, programa i projekata kojim bi bilo predviđeno subvencioniranje doprinosa i smanjenje uplate doprinosa novonastalim firmama, a s ciljem podsticanja zapošljavanja i otvaranja novih radnih mjesta?“
3. Pitanje upućeno Ministarstvu rada i boračko-invalidske zaštite Republike Srpske: „Šta ste konkretno učinili i šta planirate učiniti na donošenju propisa, programa i projekata kojim bi bilo predviđeno subvencioniranje doprinosa i smanjenje uplate doprinosa novonastalim firmama, a s ciljem podsticanja zapošljavanja i otvaranja novih radnih mjesta?“
4. Pitanje upućeno Ministarstvu za ljudska prava i izbjeglice BiH: „U kojoj je fazi uspostavljanje novog saziva Vijeća za djecu pri Ministarstvu za ljudska prava i izbjeglice BiH?“
5. Pitanje upućeno Ministarstvu pravde BiH: „Šta ste konkretno učinili i šta planirate u budućnosti učiniti na planu izrade relevantnih zakona koji bi doprinijeli efikasnosti postupka registracije poslovnih subjekata i većoj sigurnosti u pravnom prometu?“
6. Pitanje upućeno Ministarstvu vanjske trgovine i ekonomskih odnosa BiH: „Šta konkretno činite i šta planirate u budućnosti učiniti na provođenju Zakona o direktnim stranim ulaganjima u dijelu koji se odnosi na pojednostavljenje procedure registracije stranih ulaganja i smanjenja taksi?“

### **Jasmin Emrić**

Pitanje upućeno Elektroprijenosu BiH: „U kojoj je fazi izgradnja 110/35/10(20)m kV trafostanice u Bužimu, kada će biti završena, te kada je planirano njeno uključenje u distributivnu mrežu konzumnog područja Bužima?“

Na 3. sjednici Doma, održanoj 15.1.2015., u skladu s članom 171. stav (5) Poslovnika, sljedeći poslanici zatražili su dostavu odgovora u pisanoj formi na usmeno postavljeno pitanje:

- **Dužanka Majkić** – od ministra vanjskih poslova BiH,
- **Salko Sokolović** – od ministra vanjske trgovine i ekonomskih odnosa BiH i
- **Saša Magazinović** – od zamjenika ministra sigurnosti BiH i ministra pravde BiH.

Na pitanje poslanika Šemsudina Mehmedovića, predsjedavajući Vijeća ministara BiH dat će odgovor na narednoj sjednici Doma, u dijelu predviđenom za postavljanje poslaničkih pitanja u usmenoj formi, u skladu s članom 173. stav (1) Poslovnika.

Do ove sjednice Doma dostavljen je jedan odgovor na poslaničko pitanje, i to odgovor Elektroprijenosa BiH na pitanje poslanika Jasmina Emrića.

Jasmin Emrić komentirao je dobiveni odgovor. U okviru komentara nije postavio dopunsko pitanje.

**Ad. 3. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou BiH, predlađač: Vijeće ministara BiH, zakon broj: 01,02-02-1-31/14, od 22.7.2014. (zakon u drugom čitanju)**

Predsjedavajući je dao uvodne napomene.

U drugom krugu glasanja, s 23 glasa „za“, pet glasova „protiv“ (iz Republike Srpske) i jednim „suzdržanim“ glasom, usvojen je Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou BiH u drugom čitanju. Time je usvojen amandman sadržan u Izvještaju Komisije za finansije i budžet, koji glasi:

*„U članu 1. Prijedloga zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, stav 3. mijenja se i glasi: „3. Sudije i tužioci imaju pravo na naknadu za godišnji odmor u skladu s podzakonskim aktom koji donosi Vijeće ministara Bosne i Hercegovine, shodno odredbama Zakona o plaćama i naknadama u institucijama BiH („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13 i 87/13).“*

Nakon glasanja o Prijedlogu zakona, Dom se izjasnio o prijedlogu zaključka iz Izvještaja Komisije za finansije i budžet, koji glasi: „Predstavnički dom Parlamentarne skupštine BiH zadužuje Vijeće ministara BiH da izradi Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, kojim bi se izjednačio iznos novčane naknade koju prima zaposleno stručno osoblje u sudskim i tužilačkim institucijama na nivou Bosne i Hercegovine po osnovu prava na regres za godišnji odmor sa iznosom novčane naknade po osnovu prava na regres za godišnji odmor koji primaju zaposleni u institucijama Bosne i Hercegovine, u skladu sa Zakonom o plaćama i naknadama u institucijama BiH.“

„Za“ prijedlog zaključka glasalo je 18 poslanika (iz Federacije BiH), „protiv“ pet, a „suzdržan“ je bio jedan poslanik. Predsjedavajući je konstatirao da nema potrebne entitetske

većine i da će Kolegij Doma kao komisija obaviti naknadno usaglašavanje o prijedlogu zaključka.

**Ad. 4. Izvještaj komisije Kolegija o nastojanju za postizanje saglasnosti o prijedlogu zaključaka poslanika Saše Magazinovića povodom rasprave o Prijedlogu rezolucije o Sutorini, predlagač: poslanik Denis Bećirović, broj: 01-02-2-1440/14, od 24.12.2014., koji glase:**

*„Polazeći od principa da tuđe nećemo, a svoje ne damo, u skladu sa Ustavom BiH i međunarodnim pravom, imajući za primarni cilj očuvanje suvereniteta, teritorijalnog integriteta i cjelovitosti naše zemlje, Predstavnički dom PSBiH konstatira:*

*5. Izvještaj Badinterove komisije je neupitan dio međunarodnog prava sa snagom međunarodne presude, te kao jedan od temelja Dejtonskog mirovnog sporazuma ima pravo prvenstva nad drugim aktima te vrste, čime se garantira neupitnost teritorijalnog integriteta i cjelovitosti BiH u njenim međunarodno priznatim granicama.*

*6. Zadužuje se novo Vijeće ministara BiH da, zajedno s Državnom komisijom za granice, napravi tri sveobuhvatne, primarno pravne, ekspertne analize, s posljedicama po interese BiH, sa stanovišta očuvanja njenih međunarodno priznatih granica sa Crnom Gorom, Srbijom i Hrvatskom. Na tim osnovama Predstavnički dom organizirat će javnu raspravu s ciljem potpisivanja sporazuma o državnim granicama sa susjedima.“*

Predsjedavajući je dao uvodne napomene.

U drugom krugu glasanja, sa 16 glasova „za“, pet „protiv“ (iz Republike Srpske) i devet „suzdržanih“, usvojeni su navedeni zaključci.

**Ad. 5. Izvještaj o izvršenju Budžeta institucija BiH i međunarodnih obaveza BiH za 2013. godinu, materijal Predsjedništva BiH, broj: 01,02-16-1-796/14, od 11.7.2014.**

Nakon uvodnih napomena predsjedavajućeg diskutirao je Mirsad Isaković.

Dom nije usvojio Izvještaj o izvršenju Budžeta institucija BiH i međunarodnih obaveza BiH za 2013. godinu – „za“ je glasalo 12 poslanika (iz Federacije BiH), „protiv“ 16, „suzdržana“ su bila dva poslanika.

**Ad. 6. Izvještaj o finansijskoj reviziji Izvještaja o izvršenju Budžeta institucija Bosne i Hercegovine za 2013. godinu, materijal Ureda za reviziju institucija BiH, broj: 01-16-1-1054/14, od 24.9.2014.**

Predsjedavajući je dao uvodne napomene. U raspravi su učestvovali: Mirsad Isaković, Aleksandra Pandurević, Salko Sokolović, Šemsudin Mehmedović, Nermina Kapetanović, Zaim Backović, Nikola Lovrinović, Vjekoslav Bevanda, Đorđo Krčmar, Jasmin Emrić, Maja Gasal-Vražalica i zamjenik generalnog revizora BiH Dževad Nekić.

Izvještaj o finansijskoj reviziji Izvještaja o izvršenju Budžeta institucija Bosne i Hercegovine za 2013. godinu usvojen je s 23 glasa „za“ (iz Federacije BiH 18, iz Republike Srpske pet), dva „protiv“ i pet „suzdržanih“ glasova. Time je usvojen zaključak sadržan u

mišljenju Komisije za finansije i budžet, koji glasi: *“Predstavnički dom Parlamentarne skupštine BiH predlaže Uredu za reviziju institucija BiH da u narednom periodu planira reviziju učinka o temi: Opravdanosti postojanja upravnih i nadzornih odbora u institucijama BiH, kao i njihove efikasnosti.”*

**Ad. 7. Godišnji izvještaj Visokog sudskog i tužilačkog vijeća BiH za 2013. godinu, broj: 01,01/1,02,02/1-08-1053/14, od 24.9.2014.**

Nakon uvodnih napomena predsjedavajućeg, u raspravi su učestvovali: Borjana Krišto, Aleksandra Pandurević, Šemsudin Mehmedović, Nermina Kapetanović, Denis Bećirović, Đorđe Krčmar, Mladen Bosić, Damir Arnaut, Zaim Backović, Jasmin Emrić, Šefik Džaferović i predsjednik Visokog sudskog i tužilačkog vijeća BiH Milan Tegeltija.

„Za“ prijedlog zaključka poslanika Jasmina Emrića, koji je iznesen u raspravi, glasao je 21 poslanik (iz Federacije BiH 17, iz Republike Srpske četiri), „protiv“ četiri, „suzdržana“ su bila četiri poslanika. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o prijedlogu zaključka poslanika Jasmina Emrića, koji glasi: *„Da se političke stranke i njihovi predstavnici suzdrže od direktnog i presudnog uticaja u postupku imenovanja svih nosilaca pravosudnih funkcija.“*

„Za“ primanje k znanju Godišnjeg izvještaja glasala su 22 poslanika (iz Federacije BiH), „protiv“ šest, a „suzdržan“ je bio jedan poslanik. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o primanju k znanju Godišnjeg izvještaja Visokog sudskog i tužilačkog vijeća BiH za 2013. godinu.

**Ad. 8. Davanje saglasnosti za ratifikaciju Sporazuma o osnivanju Centra za razvoj finansija (CEF), broj: 01,02-05-2-1165/14, od 30.10.2014.**

Predsjedavajući je u uvodnim napomenama rekao da će se, na zahtjev Komisije za vanjske poslove, obaviti posebna rasprava o ovom sporazumu. U raspravi su učestvovali Mirsad Donlagić i Damir Arnaut.

Dom nije dao saglasnost za ratifikaciju Sporazuma o osnivanju Centra za razvoj finansija (CEF) – „za“ nije glasao nijedan poslanik, „protiv“ je glasalo 13, a „suzdržanih“ je bilo 16 poslanika.

**Ad. 9. – 19.**

Prije prelaska na tačku 9., predsjedavajući je stavio na glasanje prijedlog da se objedini rasprava o tačkama od 9. do 19., s obzirom na to da je riječ o davanju saglasnosti za ratifikaciju materijala iz ovih tačaka. Prijedlog je prihvaćen s 24 glasa „za“ (iz Federacije BiH 19, iz Republike Srpske pet), jednim glasom „protiv“ i bez „suzdržanih“ glasova.

U okviru ovih tačaka diskutirao je Nikola Lovrinović.

„Za“ prijedlog zaključka poslanika Nikole Lovrinovića iznesen u raspravi, glasalo je 20 poslanika (iz Federacije BiH), glasova „protiv“ nije bilo, a šest poslanika bilo je „suzdržano“. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o prijedlogu zaključka poslanika Nikole Lovrinovića, koji glasi: „Zadužuje se predlagач (Vijeće ministara BiH) da u vezi s potvrdama međunarodnih sporazuma koji se odnose na finansijska zaduženja po bilo kojem osnovu poslanicima do naredne sjednice na kojima će biti razmatrani slični sporazumi dostavi sljedeće informacije:

- 1) koje su obaveze - posljedice za državu nakon što ove sporazume potvrdi i omogući njihovo provođenje, s posebnim naglaskom na neprovođenje od domaćih vlasti;
- 2) broj do sada potvrđenih sporazuma, koji se još provode ili će se provoditi;
- 3) ukupan iznos novca koji je ratificiran putem navedenih sporazuma.“

Dom je, s 26 glasova „za“ (iz Federacije BiH 21, iz Republike Srpske pet), četiri glasa „protiv“ i bez „suzdržanih“ glasova, odlučio da se objedini glasanje o tačkama od 9. do 19.

Saglasnost za ratifikaciju materijala iz tačaka od 9. do 19. data je s 26 glasova „za“ (iz Federacije BiH 21, iz Republike Srpske pet), bez glasova „protiv“ i četiri „suzdržana“ glasa.

Sjednica je završena u 15,10 sati.

Sastavni dio Zapisnika je transkript 5. sjednice Predstavničkog doma.

SEKRETAR  
PREDSTAVNIČKOG DOMA  
mr. sc. Dragoljub Reljić

PREDSJEDAVAJUĆI  
PREDSTAVNIČKOG DOMA  
Šefik Džaferović